

ЯНГИ

ЎЗБЕКИСТОН

Ижтимоий-сиёсий газета

№ 49 (838), 2023 йил 13 март, душанба



Ўзбекистон Республикаси Президентининг
ФАРМОНИ

ВАТАН ҲИМОЯСИ ВА ЭЛ-ЮРТИМИЗ ТИНЧЛИГИ ЙЎЛИДА ҲАЛОК БЎЛГАН ҲАРБИЙ ХИЗМАТЧИЛАР ВА ХОДИМЛАР ОИЛА АЪЗОЛАРИНИ ИЖТИМОЙ ҚўЛЛАБ-ҚУВВАТЛАШНИ КУЧАЙТИРИШ ЧОРА-ТАДБИРЛАРИ Тўғрисида

Ватан ҳимояси ва эл-юртимиз тинчлиги йўлида ҳалок бўлган ҳарбий хизматчилар ва ходимлар оила аъзолари ҳамда уларнинг қарамоғидаги шахсларни ҳар томонлама қўллаб-қувватлаш, уларга ғамхўрлик қилиш ва ҳурмат-эҳтиром кўрсатиш, шунингдек, жамиятда эзгулик, ҳамжихатлик ва инсонийлик муҳитини янада мустаҳкамлаш мақсадида:

1. Мудоффа вазирлиги, Ички ишлар вазирлиги, Фавқулодда вазиятлар вазирлиги, Миллий гвардия, Давлат хавфсизлик хизмати, Ўзбекистон Республикаси Президенти давлат хавфсизлик хизмати, Божхона қўмитаси ва Электрон технологияларни ривожлантириш марказининг (кейинги ўринларда — масъул вазирлик ва идоралар) Ватан ҳимояси ва эл-юртимиз тинчлиги йўлида яраланганлиги, контузия ёки майиб бўлганлиги оқибатида ҳалок бўлган ҳарбий хизматчилари ва ходимларининг оила аъзолари ҳамда уларнинг қарамоғидаги шахсларга (кейинги ўринларда — ҳалок бўлган ҳарбий хизматчилар (ҳодимлар) қўйидаги имтиёз ва кафолатлар берилсин:

а) 2023 йил 1 апрелдан бошлаб: ҳалок бўлган ҳарбий хизматчи (ҳодим) оила аъзоларига бир йўла бериладиган нафақа марҳумнинг охири

эгаллаган лавозими бўйича маоши ва ҳарбий (махсус) унвони маоши йиғиндисининг 150 баравари миқдоридида белгилансин;

ҳарбий хизматчиларнинг (ҳодимларнинг) давлат мажбурий шахсий суғуртаси доирасида ҳарбий хизматчи (ҳодим) ҳалок бўлганда тўланадиган суғурта суммаси базавий ҳисоблаш миқдорининг 200 баравари миқдоридида белгилансин;

Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликларига улар томонидан белгиланган миқдорларда (меҳнатга ҳақ тўлаш энг кам миқдорининг 50 фоизигача бўлган суммадан ошмаган ҳолда) маҳаллий бюджетларнинг қўшимча манбалари ҳисобидан ҳалок бўлган ҳарбий хизматчиларнинг (ҳодимларнинг) тегишли ҳудудда истикомат қилувчи оила аъзоларига ҳар ой тўланадиган нафақа тайинлаш тартибини белгилаш ҳуқуқи берилсин;

б) 2023 йил 1 майдан бошлаб: оиланинг меҳнатга лаёқатсиз ҳар бир аъзосига боқувчисини йўқотганлик пенсияси пенсияни ҳисоблаб чиқиш учун олинандиган пул таъминотининг (иш ҳақининг) 50 фоизи миқдоридида белгилансин;

оила аъзолари (ота-онаси, турмуш ўртоғи, 23 ёшга тўлмаган фарзандлари) даромадлар қайси ойда олинган бўлса, уша ойда ҳар бир ой учун меҳнатга ҳақ тўлаш энг кам миқдорининг 3 баравари миқдоридидаги даромадлар бўйича жисмоний шахслардан олинандиган даромад солиғидан озод этилсин;

белгиланган тартибда турар жойга муҳтож деб тан олинган тақдирда, турар жой билан биринчи навбатдаги тартибда таъминлансин;

қонунчиликда белгиланган ҳарбий хизматчиларга (ҳодимларга) турар жой сотиб олиш (куриш) учун узоқ муддатли имтиёзли ипотека кредитлари бериш тартибига мувофиқ узоқ муддатли имтиёзли ипотека кредитларини олиш ҳуқуқи сақлаб қолинсин;

ҳалок бўлган ҳарбий хизматчининг (ҳодимнинг) янги никоҳга кирмаган турмуш ўртоғи ва (ёки) ҳарбий хизматчининг (ҳодимнинг) қарамоғида бўлган ота-онасидан бирига Ўзбекистон Республикаси Қуролли Кучларининг ҳарбий хизматчиларига турар жойни ижарага олганлик (ижарада турганлик) учун ҳар ойлик пул компенсациясини тўлаш тартиби татбиқ этилсин (мулкда турар жой бўлмаган тақдирда).

Давоми 2-бетда

ЯШИЛ ИҚТИСОДИЁТ

ТАБИАТНИНГ БЕМИННАТ ИНЪОМИ

ҚУЁШ ФОТОЭЛЕКТР СТАНЦИЯЛАРИНИ КЕНГ
ЖОРИЙ ЭТИШ ҲИСОБИГА 3,14 МИЛЛИОН КИЛОВАТТ СОАТГАЧА
ЭЛЕКТР ЭНЕРГИЯСИНИ ТЕЖАШ МУМКИН



БМТнинг Иқлим ўзгариши тўғрисидаги доиравий конвенцияси — “Париж битими” қабул қилинган. Унга дунёнинг 193 мамлакати, жумладан, Ўзбекистон Республикаси ҳам аъзо. Асосий мақсад атроф-муҳитга ажралиб чиқаётган чиқинди ва иссиқхона газини камайтириш, муҳит экологияси зарарланишининг олдини олишдир.

Ўзбекистон 2021 йил ноябрь ойида Буюк Британиянинг Глазго шаҳрида ўтказилган Иқлим бўйича халқаро саммитда жаҳон ҳамжамияти олдида 2030 йилгача ялпи ички маҳсулотга нисбатан иссиқхона гази улушини 35 фоиз камайтириш

ташаббусини билдирди. Мазкур мақсадларга эришиш учун шу даврда қайта тикланувчи энергия манбаларидан энергия ишлаб чиқариш қувватини қарийб 16 000 мегаваттгача етказиш режалаштирилмоқда.

Давоми 3-бетда

ИНСОН ҚАДРИ УЧУН

ЙИЛЛАР ВА ЙЎЛЛАР: ВАҚТ ТЕЖАЛИБ, ИМКОНИАТЛАР ОШМОҚДА



Шокир ота яқинда етмиш беш ёшга киради. У Қарши чўлини ўзлаштиришда қатнашган. Умрининг эллик йилдан ортикроғини чўлу биёбонда ўтказди. Ота иш юзасидан кўп сафарларда бўлган. У пайтлари олис манзилларга бориш учун йўловчи автомашиналар ҳозиргидек кўп эмасди. Фақатгина поездда бориш мумкин бўларди.

Нафақага чиққанидан буён поездда юрмаган экан. Анчадан бери Тошкентдаги набираларини куриш истаги бор эди. Аммо олислиги боис, автомашинада толиқиқ қоламан, дея йўлга чиққиси келмади. Аввалгидек, вагонда кетиш-

ни афзал билди. Кеча катта ўғли буни эшитиб, “Афросиёб” тезорар поездига чипта олиб келиб берди. Тушдан сунг — кеча томон жўнайдиган бўлди. Аммо ҳаловати йўқолди. Олис манзилнинг ташвиши тушди. Келинига йўлда

овқатланиш учун таом пиширтирди. Талаба набираси қанча тушунтирса-да, эринмасдан йўл тадоригини курди. Ҳатто чой қайнатиб, термосга солиб олди.

Давоми 2-бетда

ТАРАҚҚИЁТ САРИ

КОНСТИТУЦИЯДА АДВОКАТУРА МАҚОМИ МУСТАҲКАМЛАНМОҚДА

Юртимизда суд-ҳуқуқ соҳасида энг устувор мақсад фуқаролар ҳуқуқларини шахслар эмас, балки қонун ва одил суд ҳимоя қилишига тўлиқ ишонч пайдо бўлишига эришиш ҳисобланади.

Адвокатура тизимини тубдан такомиллаштириш профессионал юридик ёрдам сифатини ва адвокат касбининг нуфузини ошириш, шунингдек, суд ишини юртида тенглик ва тортишув принципларини тўлиқ рўйга чиқариш каби кўплаб соҳаларда ҳам туб ижобий ўзгаришларни амалга ошириш имкониятини яратди.

Тан олиш керак, кўп йиллар давомида халқимиз онгидида суд жазоловчи орган сифатида шаклланиб қолган эди. Суд ақсар ҳолларда прокурор талаб қилган жазони расмийлаштириб берар, адвокат эса суд жараёнида номига қатнашадиган аҳамиятсиз кишидай туюларди. Бу эса, ўз навбатида, ҳимоя остидагиларнинг норозилигига сабаб бўлар, оқибатда тарафларнинг ҳақ-ҳуқуқларига зиён келтириши мумкин бўлган қарорлар қабул қилинишига замин яратганди.

Давоми 2-бетда



РАҚАМЛИ ТЕХНОЛОГИЯЛАР

ҲАЁЛЛАРНИ ҲАҚИҚАТГА АЙЛАНТИРАЁТГАНЛАР



Хизматингизга мунтазир бўлган робот, ўзинорар машиналар, инсон иштирокисиз дала юмушларини бажараётган қурилмалар, мураккаб жарроҳлик амалиётида фаол қатнашаётган техниклар...

2020 йили Президентимиз ташаббуси билан Марғилон шаҳрида ташкил этилган Рақамли технологиялар маркази фаолиятида ушбу йўналишда кўплаб янги пойиҳалар амалга ошириб келинмоқда.

Ўтган йилда Фарғона вилоятида кўрсатилган IT хизматлар экспорти ҳажми 322 минг долларни ташкил қилди. IT корхоналар 2021 йилда 7 тани ташкил этган бўлса, бугунга келиб, 50 тадан ошди. Жорий йилда бу кўрсаткич 80 тага, экспорт ҳажми 700 минг долларга етказилади. Ёш дастурчи Илҳомжон Болтабоев Тошкент ахборот технологиялари университети Фарғона филиали сиртки бўлими талабаси бўлиш билан бирга, Рақамли технологиялар марказида стартап экотизимини ривожлантириш ҳамда “Бир миллион ўзбек дастурчилари” лойиҳасини амалга оширишда фаоллик кўрсатиб, ёшларга замонавий билим ва кўникмалар бериб келмоқда.

Давоми 5-бетда

БОҚИЙ МЕРОС

ЭР ЙИГИТНИНГ БИР МУРОДИ ОТ БЎЛУР



6-бетга қаранг.

